

# Caj Daengz Ngoenz Ndit Ndei

□ Mwz Sungh / 麦嵩

Ngoenzcog yaek miz ndit lwi? Dah'enq yienghneix naemj, ngonz baihrog conghecueng ranzbingh. Mbwn laep miz fwnmoenq, daengrongh ciuq roenloh, yawjraen vunz youq gwnz gai hix lai hwnjdaeu j lo.

Mbangj vunz ngaem gyauej buet dauqma, mbangj vunz ra dieg daeuj baijdan. Hix miz 2 bouxcoz guhdoi h gang liengj, daegmbauq got dahsau gangj gij saeh mizyinx, dahsau daenj vunjraez hau, ngaem gyauej caegcaeg loh ok najriu caemhcai naj nding, caez byaij youq diuz gai henz yi hyen.

Rumzliengz baihrog riengz cueng ci haeujdaeu j, ci hwnj byoemgyaeu j Dah'enq, de siengj: Baihrog caen ndei, couh lumj gaxgonq nei. Ngonz song bouxcoz haenx doxgangj doxriu, yied byaij yied doxgyawj doxnem, ndawsim de caem roengz youh fouz hwnj, saehgonq hix lumj nda youq baihnaj nei.

Mbouj geij nanz, coenz vah "Dahnuengx" lumj fwnmoenq ndik roengz, najraemx dingh deng dwk bienq ndaej fubfed nei, dwkduenh le gij ngeixdauq Dah'enq. Dwg boux dahbingh henz mbonq ranzbingh heuh, ngoenzneix ngamq haeu j rug ranzbingh neix. De ninz youq gwnz mbonq, raen Dah'enq byoemgyaeu j deng rumzliengz ci hwnj lij moenghmangh yawj coh baihrog, couh gvansim cam: "Dahnuengx, mwngz ndwn youq henz cueng guh maz, baenzlawz lo? Rumzliengz ci lo, aeu haeujsim ndang gaeq bw!"

"Mbouj baenzlawz, couh dwg, haxbaenh, gou siengj yawjyawj baihrog." Dah'enq ngauzngauz gyauej, menhmenh han naeuz.

"Dwg siengj bingh ndei okyen, roxnaeuz siengj byawz lo?"

Dah'enq bakmwt le yaep ndeu, cij dap: "Wnggai dwg siengj vunz luba, de aiq mbouj daeuj yawj gou."

"Doiq mbouj gvaq, dahnuengx, gou yawj mwngz vunz coz gyaunde i, aiq mwngz miz daegyox, caj de roengzban daeuj yawj mwngz ne." Bouxmbwk neix lau gangj vah loek, saeknaj hix bienq ndaej yiemz suk

hwnjdaeu j.

"Mbouj miz maz, dahcej, gaej you gou." Gaenq gig nanz mbouj miz vunz caeuq Dah'enq ganggoj lo, de gejnaeuz, "Gou couh dwg caeuq de doxbiek lo, hix mbouj miz saeh gizyawz. Geij ndwen gonq, gou fat bingh youq yi hyen, hix dwg youq rug ranzbingh neix, aen mbonq henz cueng neix. Geizgonq, de ndaejhoengq mboujlwnh rumzhaenq fwnraq cungj daeuj yawj gou. Miz baez he, hix dwg youq aen dienheiq mbwn laep rumzliengz yienghneix, de rox gou gyaez gwn doxgaiq van, cienmonz cam gvaq canghyw le, vih gou guh le gij raemxdang van he. Hai denceh vaiqvava, hai le geij goengleix, soengq daengz ndaw fwnqz gou seiz, lij raeujrubrub..." Naj Dah'enq gangj dwk gangj dwk menhmenh miz di riunyumj lo, youh doq mbouj riu lo.

Bouxmbwk laebdaeb cam: "Doeklaeng de vihmaz mbouj daeuj lo?"

Dah'enq ciep gangj: "Aiq dwg aenvih bingh gou mbouj yungzheih yw ndei, buenq bi lo, de vih gou guh le baenzneix lai, hix miz saekdi baeg lo..."

"Mwngz ha, hix gaej doeknaiq lai. Mbwn mbouj cungj dwg itcig yienghneix laep yienghneix liengz, hix miz mwh fwn gvaq ndit ok raen saidoengz. Lumj gou, aenvih baenzbingh haeu j yi hyen gaenq miz haujlai baez lo, youq ranzbingh seiz, bouxgvan gou muengz lai, youh aeu ciuqgoq lwgnyez, lwgnyez aeu bae hwnjdangz, mbouj miz vunz buenx gou, gou vihmaz aeu siengsim ne? Gyoengqde miz saeh muengz, mwngz couh aeu gag ra angq guhcaemz. Daengzcog nanz rox, aeu miz maqmuengh, doeklaeng mwngz ndaej bungqraen bouxsai engq ndei ne? Miz maz saeh nyap, ndaej caeuq gou ganggangj, raeuz caez youq rug ndeu, dwg yienzfaenh."

Bouxmbwk neix daengx yaep he, daj gwnz daengz laj cimyawj Dah'enq, riu naeuz: "Dahnuengx, caj gou bang mwngz gaisau bouxsai ndei ndeu, aeu lwi?"

Dah'enq dingq le vahnai, sim-

luenh ndaej caem, gig gyo' mbaiq boux mehmbwk neix, hoeng diuz giemxdou ndawsim de caengz yamq gvaq, riu naeuz: "Docih lo, dahcej, gienh saeh neix couh mbouj mazfanz mwngz lo."

Rumzliengz engq haenq daj rog ci daeuj, byoem mehmbwk neix hix deng ci hwnj, Dah'enq doq bae gven cueng doq naeuz: "Doiq mbouj gvaq, gou doq gven cueng, dahcej, mwngz dwgliengz lwi?"

"Mbouj miz maz, ndang gou gig ndei, daeuj gizneix lai baez lo, doeklaeng cungj dwg mbouj geij nanz couh ndaej okyen!" Boux mehmbwk neix riu han.

Haemh de, aiq dwg aenvih dingq le vahnai mehmbwk haenx, Dah'enq ninz ndaej beij bingzseiz engq ndei, lij guh aen loq ndei dem. Hoeng, aen sing heuh cauz hawj de daj ndaw loq ndei ndiu gvaqdaeu j lo.


Yienzlaiz dwg boux mehmbwk neix diemheiq ajngaebngaeb, cingq deng boux husw he yawjraen, boux husw heuh vunz daeuj bangfwngz. Dah'enq hix mbouj rox miz saeh maz, gaenq deng gyoengq husw lienz vunz daiq mbonq doi ok ranzbingh bae, vih ciengjgouq boux mehmbwk haenx

doeng dieg. Youq rog ranzbingh, Dah'enq ninz youq gwnz mbonq cang guh caengz ndiu, hoeng ndaejnyi gij sing cauz ndaw ranzbingh, ndawsim mbouj ndaej an'onj.

Gvaq caenh ndeu, bouxsai he daiq boux lwgnyez he daeuj daengz rog ranzbingh neix, gij sing cauz baihndaw cix menhmenh dingz roengzdaeu j lo.

Dah'enq deng anbaiz daengz ranzbingh wnq. Yienznaeuz dingq vah canghyw gangj mbouj gven saeh haemhlwenz hai cueng ci rumz, ndawsim cungj dwg miz saek lumj deng rumzliengz ci gvaq nei in.

Boux dahcej haenx gaenq bae lo. Dah'enq ngonz coh rog cueng ranzbingh moq, fwn gvaq mbwn gvengq, gwnz gai vunz bae vunz dauq, ndit ciuq daengz gwnz mbonq Dah'enq, de roxnyinh raeujrubrub, dauqngeix gij vah dahcej, ndawsim naemj: Dahcej de nai gou aeu ndeindei gvaqngoenz, aeu yawj laeng, seizneix de gaenq bae lo, gou aeu dingqgangj, menhmenh gvaq ndei moix ngoenz. Dah'enq youh yawjyawj ndaw ranzbingh, saenqsim swkswk deq gij ngoenz ndit engq ndei engq haenq.



*Duz Lingzgyaeujhau ndaw Cungzcoj Giznanz Baujhu Gih.*

*Dozswh*

"Ngoenzneix gou lai dawz faenh ndeu ne!"

"Cang hawj gou?"

"Laih dai, nanzdauh dwg hawj duz ma iq gwn?"

"Mwngz baenzlawz rox ngoenzneix gou yaek daeuj moq?" Ndawsim Lungz Byauh ndatfwd fwd, cigsoh cimyawj Siu Cuh, "Danghnaeuz ngoenzneix gou mbouj daeuj ne?"

"Dawz baema gueng duz mou-lwg."

"Gaej gwq baeh gou."

"Mwngz gwn mbouj gwn ha?"

"Gawqyienz mwngz daiq daeuj yaek hawj gou gwn." De angqvauvau naeuz, "Yienghneix, mwngz gwn gonq ba, lw roengzdaeu j caiq hawj gou gwn."

·Sawcuenhraz Lwgnyez·

## Gij Golwgnyez Henz Dahhoengz

□ Lanz Haijyangz Moz Beibei / 蓝海洋 莫蓓蓓

"Wnggai aeu bouxhek gwn gonq lo." Siu Cuh youh ndenq aen doengjfaex gvaqdaeu j.

"Mbouj, wnggai dwg bouxcawj gwn gonq."

Siu Cuh cuengq doengjfaex iq youq gwnz namh, ndiengq bak, gyajcang hozhwnj.

"Ndei, ndei." Lungz Byauh euq mbouj gvaq Siu Cuh, cij ndaej dingq gij vah de, iet fwngz dawz doengjfaex

iq hwnjdaeu j, riu naeuz, "Caen doiq mbouj hwnj lo, yaep he hawj mwngz gwn haeux lw."

"Faj fwngz mwngz aenvih gou deng hwnj bop lo, gou cij doiq mbouj hwnj ha—" Gemj Siu Cuh sawqmwh hoengzmaeq, youh gangj daengz gijwnq, "Byawz hawj mwngz ngoenzneix mbouj daiq lwgmaenz daeuj? Gou cungj mbouj ndaej hawj mwngz ndaw dungx hoengqv at bang gou gvej haz

ba."

Lungz Byauh gaenq ndoet le geij gaemz caz, de hix hozhawq dungx iek dahraix lo, aen ceiz cien ndaej henjrwrgw nyaij youq ndaw bak homfwd fwd bae.

"Ngoenzlwenz couh dwg aen lwgmaenz doek roengzdaeu j cij hwk deng mwngz, seizneix gou baez ngeix hwnj lwgmaenz couh simnyap!"

(caengz sat)